



TIMERSOQATIGIIFIIT ASSAMMIK ARSARTARTUT KATTUFFIAT  
**GREENLAND HANDBALL FEDERATION**

## UJARLIUTIT

Timersoqatigiit Assammik Arsartartut Kattuffiata – TAAK – inatsisai	02
Kattuffiup ilaasortai taakkulu pisussaaffii.....	03
Kukkuluttortoqartillugu aalajangersakkat.....	05
Kattuffiup immikkoortortaqarfii.....	07
Sinniisutut aallartitat.....	08
Siulersuisut, ulluinnarni aqutsineq kiisalu ataatsimiisitaliat.....	09
Nunanut allanut unammisartut aqunneqarnerat.....	11
Amatør- og Ordensudvalget .....	12
Naatsorsuutit aammalu kukkunersiuineq.....	13
TAAK’p nersornaasiisarnera.....	13
Kattuffiup atorunnaarsinneqarnera.....	13

### ***Bilag:***

Bilag A – Kattuffiup aaqqissuussaanaera

Bilag 1 - Ulluinnarni aqutsinermut aammalu aningaasaqarnermut ataatsimiisitaliamut aalajangersakkat

Bilag 2 - Siammasissumik ataatsimiisitaliamut aalajangersakkat

Bilag 3 - Elitenut aammalu piukkunnaatilinnut ataatsimiisitaliamut aalajangersakkat

Bilag 4 - Ilinniartitaanermut aammalu siuarsaanermut ataatsimiisitaliamut aalajangersakkat

Bilag 5 - Allaffissornermut aammalu aaqqissuisoqarfimmut ataatsimiisitaliamut aalajangersakkat

Bilag 6 - Internationalimik attaveqarnermut ataatsimiisitaliamut aalajangersakkat

Bilag 7 – Sponsorudvalge-mut aalajagersakkat

Bilag 8 – Dommerudvalg-mut aalajagersakkat

# TIMERSOQATIGIIFIIT ASSAMMIK ARSARTARTUT KATTUFFIATA

## INATSISAI

### § 1

*Imm. 1.* Kattuffiup aterraa Timersoqatigiiffiit Assammik Arsartartut Kattuffiat (TAAK). Internationalimik ateq atorneqartussa: Greenland Handball Federation.

- 1) Kattuffik tassaavoq Kalaallit Nunaanni assammik arsarnermik peqatigiiffiit kattuffiat.
- 2) Kattuffik Kalaallit Nunaanni Timersoqatigiit Kattuffiannut (GIF) ilaasortaavoq, kattuffiullu inatsisaanut aalajangersagaanullu atuuttunut malinnittussaavoq.
- 3) Aammattaq Kattuffik Internationale Handball Federationimut (IHF) kiisalu North America and the Caribbean Handball Confederationimut (NACHC) ilaasortaavoq.
- 4) Kattuffik 11. maj 1974 Nuummi ataatsimeersuaartoqarnerani pilersinneqarpoq S-68'ip, SAK'p, Kâgssagssuk'p, B-67'ip, NÛK'p aammalu K-33'ip peqataaffigisaannik. Kattuffiup aqqa aammalu inatsisai 14. juni 2018 atuutilersumik allanngortinneqarput.

*Imm. 2.* Kattuffiup Nuuk angerlarsimaffigaa.

### § 2

*Imm. 1.* Kattuffiup siunertarivaa elitemik aammalu siammasissumik kiisalu piukkunnaatilinnik assammik arsarnermi siuarsaanissaq.

- 1) Kattuffik peqatigiiffinnut akunnermiliuuttuulluni sulissaaq aammalu sinnerlugit GIF'imut, NACHC'mut aammalu IHF'imut sassartartuussalluni.
- 2) Nunanut allanut unamminerit ingerlanneqarnissaat, nuna tamakkerlugu unammersuaartitsinerit, nunap immikkoortuini unammersuaartitsinerit kiisalu ajugaaniunnernut malerugassanik suliarinninerit allallu maleruagassat aalajangersakkallu pillugit aalajangersakkanik TAAK aalajangiisartuussaaq.
- 3) Kattuffiup ilaasortaasa unamminerimik maleruagassat IHF'imit akuerineqarsimasut atussavaat. Siulersuisut IHF'ip malittarisassiaaniit allaanerusunik nunap iluani atugassanik akuersisinnaapput. IHF'ip aammalu Dansk Håndbold Forbund'ip (DHF) unamminerimik maleruagassiaannik allaanerusunillu nunap iluani atugassaasunik peqassappat ilanngullugit kattuffik peqatigiiffinnut nalunaartuussaavoq.
- 4) Kattuffik dommerinut ilitsersuisartunut aammalu dommerinngorniartunut pikkorissaanerik kiisalu dommerinik ilinniartitseqqiinissat ingerlanneqarnissaannut akisussaasuvoq. Pikkorissarnernut aammalu ilinniartitseqqiinnerit akisussaaffik kattuffiup dommerit peqatigiiffiannut nammineq ingerlasumut tunniussinnaavaa.

5) Peqatigiiffiit sungiusaasutut aammalu aqutsisutut pikkorissarnissanut neqeroorfigineqarnissaanut kattuffik akisussaasuvoq. Kattuffiup nammineerluni sungiusaasutut aammalu aqutsisutut pikko-rissarnerit ingerlarsinnaavai.

*Imm. 2.* Nunap immikkoortuini meeqqanut inuusuttuaqqanullu unammisitsinerit atatiinnarnissaannut kattuffik akisussaasuvoq, ilaatigut aqutsineq aningaasaqarnerlu pillugit ilisimasani siunnersuinernillu katersinikkut aammalu kattuffiup ilaasortaanut ingerlatitseqqinikkut assammik arsarnerup siuarsarnissaa nukittorsarnissaalu kattuffiup anguniagaralugu.

### **Kattuffiup ilaasortai taakkulu pisussaaffii**

#### **§ 3**

*Imm. 1.* Nunatsinni peqatigiiffiit assammik arsarnermik ingerlatsisut kattuffimmut ilaasortanngorsin-naapput.

1) TAAK'mi ilaasortanngorniarluni qinnuteqaraanni peqatigiiffiup malittarisassai, arstartarfiup sumiinnerata nalunaarutigenera, siulersuisuni ilaasortat aqqi najugaallu pillugit paasissutissat, peqatigiiffiup ilaasortaasa taakkulu ullut ukiullu inuuffiisa allattorsimaffiat kiisalu peqatigiiffiup arstartuisa atisaannut nalunaartiginnineq ilanngullugit kattuffimmut nassiunneqassapput.

*Imm. 2.* Klubbep ataatsimeersuareernerata kingorna imm. 1, nr. 1-imi taaneqartutut ilaasortat tamarmik paasissutissanik kattuffimmut nassitsissapput. Paasissutissanik nassiussineq kingusinnerpaamik ataatsimeersuarnerup ingerlanneqareernerata kingorna qaammat ataaseq qaangiutsinnagu pissaaq.

#### **§ 4**

*Imm. 1.* Peqatigiiffiit ukiumoortumik TAAK'mut ilaasortaanermut siumoortumik kr. 1.000,-inik akiliisassapput. Ilaasortaanermut akiligassaq TAAK'p nassiuttassavaa, kingusinnerpaamillu 1. januar akilereersimassaaq. Ilaasortat nutaat ullormi ilaasortanngorfimmiit kingusinnerpaamik qaammat ataaseq qaangiutsinnagu ilaasortaanermut akiligassaq akilersimassavaat.

*Imm. 2.* TAAK'p ataani pissartanngorniunnerit ingerlanneqarnissaannut aningaasartuutit matussuserniarlugit kattuffik nalunaarnermut akiligassamik aalajangiisinnaavoq.

*Imm. 3.* TAAK'p ataani inaarutaasunik pissartanngorniunnernut allanulluunniit unammisitsinernut aningaasartuutit matussuserniarlugit kattuffik nalunaarnermut akiligassamik aalajangiisinnaavoq.

*Imm. 4.* Peqatigiiffik TAAK'mut akiitsulik kattuffimmiit ilaasortaajunnaarsinneqarsinnaavoq, akiligassaq piumasarineqartutut kingusinnerpaamik qaammat ataaseq qaangiutsinnagu akilernerqarsimangippat, aammalu naafferartumik akilersuinissamut isumaqatigiissuteqartoqarsimangippat akilersuinissarlu malinneqarsimangippat.

Nr. 1. Peqatigiiffik naafferartumik akilersuinissamut isumaqatigiissuteqarsimangitsoq aammalu akilersuinissamut malinninngitsoq kattuffiup pissartanngorniutsitsinerinut peqataasinnaangilaq. Aammattaaq aallartitat ataatsimeersuarnissaannut peqataanissamut atatillugu tamanna atuuppoq.

## § 5

*Imm. 1.* Peqatigiiffiit ilaasortaallu ukununnga pinngitsooratik malinnittussaapput:

1) Kalaallit Nunaanni Timersoqatigiit Kattuffiata (GIF) aammalu Timersoqatigiiffiit Assammik Arsartartut Kattuaffiata (TAAK) inatsisaannut malittarisassiaannullu aammalu taakkununnga aalaja-ngersakkatut aalajangiunneqarsimasunut malinnissallutik.

2) TAAK'mut taassumalu aqutsisuinut ikiuutissallutik piumaneqarpat kattuffiup suliassaanik tigusi-nissamut.

3) ukununnga ingerlatsinissamut akuersissutinik TAAK'mut piniassallutik:

a) pissartanngorniunnernik unamminernilluunniit, aningaasanik eqqugassaqtunut, ingerlatsinissa-mut

b) pissartanngorniunnernik unamminernilluunniit nunani allamiunit peqataaffigineqtunut ingerlat-sinissamut

c) nunani allani pissartanngornernut unamminernulluunniit peqataanissamut

d) Kalaallit Nunaanni aaqqissuussinissanut qinnuteqarnermi malittarisassat ilanngullugit TAAK'mut nassiunneqassapput pissartanngorniutsitsinissaq imaluunniit unammisitsinissamut piffissaq kingusinnerpaamik sapaatip akunneri sisamat sioqqullugit.

e) nunani allani unamminissanut imaluunniit pissartanngorniunnernut peqataaniarluni akuersissum-mik qinnuteqarnermi nunani allani peqatigiiffiup aaqqissuussisussap aqqa nunaalu kiisalu piffissaq ingerlatsiviususaaq pillugu paasissutissat aallarnissamut kingusinnerpaamik sapaatip akunneri sisa-mat sioqqullugit nassiunneqassapput.

4) Kalaallit Nunaanni Timersoqatigiit Kattuffiata (GIF) ataani Timersoqatigiiffiit Assammik Arsartartut Kattuffiannut ilaasortaanermut naqitat tamaasa paasissutissiissutiginnissaat.

5) unamminernut Internationale Handball Federationip, Kalaallit Nunaanni Timersoqatigiit Kattuffiata aammalu Timersoqatigiiffiit Assammik Arsartartut Kattuffiata kinaassutsinut uppernar-saataannik piginnittunut akeqanngitsumik isersinnaatitsineq. Inuit tusagassiortuunermikk uppernarsaasinnaasut taamatuttaaq pisinnaaffeqassapput. Aaqqissuussinissaq ullunik arfinilinnik sioqqullugu nalunaareernermi inuit pineqartut inissaat inniminnerneqassapput.

6) inatsisit maleruagassallu allannguuteqarsimappata tamaasa immikkut TAAK'mut paasissutissiis-sutigineqassapput.

7) ataatsimeersuarnerit tamaasa ingerlanneqannginnerini kingusinnerpaamik ullut 14-it sioqqullugit TAAK'mut nalunaarutigineqassapput. Nalunaarutiginninnermi ullormut oqaluserisassat ilanngus-saqartoqarsimappallu ilanngullugit nalunaarutigissapput.

*Imm. 2.* Aalajangersakkat siuliini taneqartut unioqqutinneqassagaluarpata, TAAK'p siulersuisuisa peqatigiiffiit mianersoqqussummik tunisinnavaai, avoqqaarliuteqarsinnaallutik imaluunniit kr. 1.000,- tikillugit akiligassiisinnaallutik imaluunniit sualuttumik imaluunniit uteqattaartumik pisimappata unamminernut peqataaqqusiunnaarnermik imaluunniit utaqqiisaasumik imaluunniit TAAK'miit ilaaqusaajunnvinnerannik TAAK'mi siulersuisut aalajangiisinnaapput.

*Imm. 3.* Pisuni tamani, kattuffimmiit ilaasortaajunnaartoqarnissaanut aalajangiinnermi, tak. paragrafi pineqartoq, suliap nalunaarutigineqarneraniit ullut 14-it qaangiutsinnagit suliaq Timersoqatigiiffiit Assammik Arsartartut Kattuffiata Amatør- og Ordensudvalgianut tunniunneqarsinnaavoq, aalajangiinnerullu saniatigut tamanna pineqartumut nalunaarutigineqassaaq. Suliareqqitassanngortitsinissamut kissaateqartoqarpat allaganngorlugu TAAK’p siulersuisuinut nassiunneqassaaq. Suliareqqitasanngortitsineq aallartinneqartoq atuutileranerani kinguneqarneq ajorpoq.

*Imm. 4.* Timersoqatigiiffiit Assammik Arsartartut Kattuffiat peqatigiiffiillu taassuma ataani, pisussaataapput meeqqanik pinerliisimannginnermut uppersaammik tunniussisallutik Inatsisartut inatsisaat nr. 8 majip 19-aneersoq 2010 malillugu.

*Imm. 5* Kattuffiit timersornermullu peqatigiiffiit suliffeqarfiillu kattuffinnut ilaasortaasut, pisussaataapput ukiumoortumik nalunaarusiornerminni meeqqanik pinersliisimangiinnermik uppersaammik nassiussisimanerminnik takussitissamik nalunaassallutik inatsit atuuttut najoqqutaralugit.

## § 6

*Imm. 1.* Peqatigiiffiit piumaffigineqanngikkaluarlutik pisussaapput ukiut tamaasa kingusinnerpaamik 15. oktober 1. oktober killigalugu ilaasortamik allattorsimaffiannik TAAK’mut nassiussisallutik.

Ilaasortanik nalunaarsuineq makkuninnga imaqassaaq:

a) ilaasortat tamarmik, arsartut aammalui tapersersuisut, kiisalu ullut ukiullu inuuffiusut. Piffissap sungiusarfiusup ingerlanerani nutaanik ilaasortanngortoqarpat peqatigiiffiit TAAK’mut nalunaarutiginninnissamut pisussaapput. Arsartup peqatigiiffimmi ilaasortaanera TAAK’mut nalunaarutigineqartinnagu arsartutut pisinnaatitaanngilaq.

b) Aalajangersagaq unioqqutinneqassagaluarpat, peqatigiiffik kr. 500,-nik akiligassinneqassaaq, saniatigullu ullormi tunniussivissatut aalajangerneqarsimasup aqagua aallarnerfigalugu ilassutitut ullormut kr. 100,-nik ilaneqartassalluni.

c) Ilaasortat nalunaarsorsimatinnagit peqatigiiffiup holdia unamminermut TAAK’p aqqissugaanut peqataasinnaanngilaq.

d) Klubbimut allamut nuunnermi klubbimut allamut nuunnermi TAAK’p immersugassiaa atorneqas-saaq.

## Kukkuluttortoqartillugu aalajangersakkat

## § 7

*Imm. 1.* Timersoqatigiiffiit Assammik Arsartartut Kattuffiata (TAAK) siulersuisui isumaqarpat TAAK’p ataani peqatigiiffik, aqutsisoq arsartorluunniit peqataanissamut imaluunniit ingerlatsinnermut aalajangersakkanik, inatsisinik, malittarisassanik aalajangersakkanillu unioqqutitsisimasoq,

imaluunniit timersortorpalaanngitsumik ileqqorissaanngitsumilluunniit pissusilersorsimappat, sukasaasertinneq (doping), pineqartup makkuninnga pineqaatissinneqarnissaa kattuffiup aalajangersinnaavaa:

- a) assuarinninneq aammalu mianersoqqusinerit
- b) kr. 1.000,-it tikillugit akiligassiineq, taarseeqqusinerit imaluunniit unamminernit iluanaarutiniq arsaarinninneq. Una aalajangersagaq inunnut ataatsiakkaanut atortinneqarsinnaanngilaq, pineqartuq nunanut allanut unammisartutut aqutsisutulluunniit nunanut allanut unamminermi imaluunniit tamatumunnga piareersarnermi iliuuserineqarsimanngippat.
- c) pissartanngorniunnerni pointinik atorunnaarsitsinerit
- d) unamminernut imaluunniit aqutsisutut suliassanut peqataajunnaarsitaagallarneq
- e) kattuffimmiit peqataajunnaarsitaagallarneq peqataasinnaajunnaarsitaanerluunniit
- f) peqataanissamut imaluunniit ingerlatsinissamut pisinnaaffiarneqarneq

*Imm. 2.* Imm. 1 litra a–f-ini taaneqartut pineqaatissiinerit atorneqarsinnaanngillat unnerluutigineqartuq unnerluutigisamik paasitinneqarsimatinnagu imminullu illersoriarnissamut periarfissinneqarsimanngippat. Inuit TAAK’p ataani peqatigiiffinnut ilaasortaannngitsut, kisiannili TAAK’p ingerlataanik aaqqissuussamut ingerlatsinnaatitaasoq, TAAK’p inatsisaanut maleruagassiaanut malinnissaaq.

a) pineqaatissiissut una paragrafi malillugu aalajangerneqarsimasoq pineqaatissiissutip peqatigiiffimmut, aqutsisumut imaluunniit arsartumut nalunaarutigineqarneqarneraniit ullut 14-it iluanni Timersoqatigiiffiit Assammik Arsartartut Kattuffiata Amatør- og Ordensudvalgianut suliassanngortinneqarsinnaavoq, taannalu pineqartumut nalunaarutigineqassaaq ilanngullugulu aalajangiineq nalunaarutigineqassalluni. Suliareqqitassanngortitsinissamik kissaat allaganngorlugu TAAK’p siulersuisuinut nassiunneqassaaq. Suliareqqitassanngortitsineq aallartinneqartuq atuutilerneranik kinguneqarneq ajorpoq.

## § 8

*Imm. 1.* Peqatigiiffik nammineerluni ilaasortami ilaannut iliuutsit pillugit pillaatissiisinnavaoq. Taamaattoqartillugu peqatigiiffiup erngertumik tamanna TAAK’mut nalunaarutigissavaa.

*Imm. 2.* Imm. 1 malillugu iliuutsit pillugit pillaat ilaasortap Timersoqatigiiffiit Assammik Arsartartut Kattuffiannut suliassanngortissinnaavaa pillaatip ilaasortamut nalunaarutigineqarneraniit ullut 14-it iluanni, taannalu pineqartumut nalunaarutigineqassaaq ilanngullugulu aalajangiineq nalunaarutigineqassalluni. Suliareqqitassanngortitsinissamik kissaat allaganngorlugu TAAK’p siulersuisuinut nassiunneqassaaq. Suliareqqitassanngortitsineq aallartinneqartuq atuutilerneranik kinguneqarneq ajorpoq.

a) TAAK’p imm. 1-imi pineqartuq ilaasortaq piffissap peqataajunnaarallartissinnaavaa imaluunniit peqataasinnaajunnaarsissinnaallugu.

b) Peqatigiiffiup ilaasortaq qaammatinik arfinilinnik nutaajunerusumik akiitsulik peqataasinnaajunnaarsippagu, arsartaq TAAK'p pissartangorniutsitsinerminut peqataanissaanut aammalu kattuffimmi sulineranut peqataasinnaajunnaarsissavaa akiitsup akilernissaata tungaanut.

Imm. 2, litra a aammalu b malillugit peqataasinnaajunnaarsitaaneq ilaasortap Timersoqatigiiffiit Assammik Arsartartut Kattuffiata Amatør- og Ordensudvalgianut suliassanngortissinnaavaa peqataa-sinnaajunnaarsitaanerup ilaasortamut nalunaarutigineqarneraniit ullut 14-it iluanni, taannalu pineqartumut nalunaarutigineqassaaq ilanngullugulu aalajangiineq nalunaarutigineqassalluni. Suliareqqitassanngortitsinissamik kissaat allaganngorlugu TAAK'p siulersuisuinut nassiunneqassaaq. Suliareqqitassanngortitsineq aallartinneqartoq atuutilerneranik kinguneqarneq ajorpoq.

## § 9

*Imm. 1.* Timersoqatigiiffiit Assammik Arsartartut Kattuffiat peqatigiiffimmik, aqutsisumik imaluunniit arsartumik suliassanngortitsisimappat, pineqartoq pisussaavoq paasissutissanik kattuffiup paasisassatut pisariaqartitaanik nalunaarutiginninnissamut. Aammattaq peqatigiiffiit, aqutsisut imaluunniit arsartut tamarmik, TAAK'p ataaniittut, pisussaapput taamak iliornissamut.

*Imm. 2.* Paasissutissanik pissarsiniarnissamut pisinnaatitaaffiup assinganik TAAK'p Amatør og – Ordensudvalgia pisinnaaffeqarpoq.

*Imm. 3.* Paasissutissat piumaneqartut tunniunneqanngippata, suliaq tunngaviusut pigeriikkat aallaavigalugit aalajangiiffigineqassaaq kingusinnerusukkut suliareqqitassanngortinneqarsinnaanani.

1) Paasissutissanik piumaneqartunik tunniussinissamut pinaaserneq imaluunniit paasissutissanik salloqittaataasunik tunniussineq § 7 malillugu pineqaatissiissutigineqassaaq.

## § 10

*Imm. 1.* Arsartaq imaluunniit aqutsisoq, §§ 8 aammalu 9 malillugit peqataasinnaajunnaarsitaasimasooq, kattuffiup ataani arsartutut, sulisutut imaluunniit aqutsisutut ingerlasinnaanngilaq peqataasinnaajunnaarsinneqarnini tamaat. Arsartaq imaluunniit aqutsisoq, §§ 8 aammalu 9 malillugit peqataasinnaajunnaarsitaasimasooq, arsartutut, sulisutut imaluunniit peqatigiiffimmut aqutsisutut TAAK'p aaqqissuussaanut peqataasinnaanngilaq.

a) Arsartaq peqataasinnaajunnaarsitaasimasooq peqatigiiffimmut allamut ilanngussinnaanngilaq peqa-taasinnaajunnaarsinneqarnini tamaat.

b) TAAK'p Kalaallit Nunaanni Timersoqatigiit Kattuffiannut innersuussutigisinnaavaa peqataajunnaarsitsineq kattuffinnut tamanut atuuttussanngortillugu.

## Kattuffiup immikkoortortaqarfii

## § 11

*Imm. 1.* Timersoqatigiiffiit Assammik Arsartartut Kattuffiata suliassai ukunangga sularineqassaput:

- 1) Sinniisutut aallartitat
- 2) Siulersuisut aammalu Ataatsimiisitaliat
- 3) Ulluinnarni aqutsineq
- 4) Amatør- og Ordensudvalget

## **Sinniisutut aallartitat**

### **§ 12**

*Imm. 1.* Sinniisutut aallartitat tassaapput kattuffiup oqartussaasui qullersaasut.

a) Sinniisutut aallartitat tassaapput:

- i) Siulersuisuini ilaasortat arfineq-marluk
- ii) Peqatigiiffinit ilaasortaasunit tamanit aallartitaq ataaseq

b) Peqatigiiffimmit aallartitaq klubbemut aallartitaaffimminut ilaasortaassaaq aallartitallu ataatsimiinneranni peqatigiiffiup siulittaasuanit pisinnaatitaanermik tunniussissalluni.

c) Peqatigiiffik TAAK'mit akiitsulik aallartitat ataatsimiinneranni taasisinnaatitaananilu oqaaseqarsinnaatitaanngilaq naafferartumik akilersuinissamut uppersaammik peqartoqarsimangippat. Aammattaaq § 4, imm. 4, nr. 4-mut atuuppoq.

*Imm. 2.* Aallartitani ilaasortat pisinnaatitsissumik allaganngorlugu tunniussillutik allat sinnerlugit taasisinnaapput. Ilaasortaqaq ataaseq annerpaamik marlunnik taasisinnaatitaavoq.

a) Aallartitani ilaasortat Nunatsinni najugaqartutut allattorsimassapput.

b) Siulersuisut innersuussuteqarnerisigut ilaasortaanngitsut ataatsimiinnermi aallartitat oqaaseqarsinnaatissinnaavaat.

Oqaaseqarsinnaaneq eqqartugassanut ataasiakkaanut killeqartinneqassaaq.

*Imm. 3.* Ieqquusumik aallartitat ataatsimiinnerat ukiut tamaasa u. 15. juni tikitsinnagu ingerlanneqartassaaq, sapaatillu akunneri arfinillit sioqqullugit aggersaasoqartassalluni.

a) Siunnersuutit suliarisassatut kissaatigineqartut ataatsimiinnissaq sapaatip akunnerinik sisamanik sioqqutsisumik TAAK'mut nassiunneqareersimassapput. Siunnersuutit siulersuisunit imaluunniit peqatigiiffimmit saqqummiunneqarsinnaapput.

*Imm. 4.* Ullormut oqaluuserisassat, siulersuisut nalunaarutaat, naatsorsuutit kukkunersiorneqarsimasut kiisalu siunnersuutit tiguneqarsimasut ataatsimiinnissaq sapaatip akunnerinik marliunnik sioqqutsisumik peqatigiiffinnut nassiunneqareersimassapput.

*Imm. 5.* Ieqquusumik aallartitat ataatsimiinneranni ullormut oqaluuserisassat minnerpaamik ukuninnga imaqaassaaq:



1. Aqutsisumik toqqaaneq.
2. Siulersuisut nalunaarutaat siulittaasup saqqummiutissavaa.
3. Naatsorsuutit kukkunersiorneqarsimasut akuerisassanngorlugit aningaaserisup saqqummiutissavai, ukiumullu naatsorsuuseriffiusumut ingerlasumut missingersuut paasissutissiissutigissallugu.
4. Kattuffiup inatsisaanut aammalu/imaluunniit peqataanissamut aammalu ingerlatsinermut aalajangersakkanut siunnersuutit tiguneqarsimasut suliarineqarnerat.
5. Siulersuisunut qinersine:
  - a) Ukiuni akunnattuni: Immikkut siulittaasumik qinersineq aammalu immikkut siulersuisunik pingasunik qinersineq
  - b) Ukiuni akunnaatsuni: Siulersuisuni ilaasortanik pingasunik qinersineq
6. Siulersuisunut sinniisussanik pingasunik qinersineq tulleriiartunik (siulleq, tulleg pingajuallu).
7. Amatør- og Ordensudvalgemut qinersineq tak. § 17
8. Kukkunersiuisussamik qinersineq tak. § 18
9. Tamalaat

*Imm. 6.* Aallartitat ataatsimiinneranni amerlanerullutik taasisut aalajangiisarput. Inatsisunik allannguisoqassappat piumasaqaataavoq aallartitat najuuttut minnerpaamik 2/3-iisa akuersinissaat. § 20-p allanngortinnissaanut piumasaqaataavoq siunnersuummut taasisut 3/4-ii akuersissasut, aammalu aallartitat ikinnerpaamik affaat aallartitaqarsimassasut.

*Imm. 7.* Immikkut ittumik aallartitat ataatsimiinnissaannut siulersuisunit ataatsimiigiaqqusisinnaapput, kattuffiullu peqatigiiffiisa ikinnerpaamik 1/4-iisa piumasarippassuk ataatsimiigiaqqusisoqarsinnaalluni. Ataatsimiinneq piumasarineqarnerup saqqummiunneqarneraniit kingusinnerpaamik sapaatip akunneri arfinillit iluanni ingerlanneqassaaq, aggeqqusinerlu sapaatip akunnerinik pingasunik sioqqtisumik pissalluni.

## § 13

*Imm. 1.* Aallartitat ataatsimiinnissaannut billetsinut aningaasartuutitut kattuffik 65%-inik aammalu peqatigiiffik 35%-iinik akiliuteqartassapput. Angalanermulli aningaasartuutit angalanissamut akikinnerpaaffik qaangersimappagu akilerneqarneq ajorput. Kattuffiup pissaa ataatsimiinnermi aallartitatut ilaasortap akilissavaa.

## Siulersuisut, ulluinnarni aqutsineq kiisalu ataatsimiisitaliat

### § 14

*Imm. 1.* Siulersuisut ileqquusumik aallartitat ataatsimeereerneranni kingusinnerpaamik ullut 14-it iluanni utaqqiisaagallartumik siulersuisutut ataatsimiissapput, tassani siulersuisut siulittaasup tullissaanik, aningaaserisussamik, allatsissamik aammalu siulersuisuni ilaasortanik pingasunik qinersissallutik.

*Imm. 2.* Siulittaasoq peqatigiiffiup assammik arsarnermik ingerlatsisup siulersuisuini issiassanngilaq.

*Imm. 3.* Kattuffik Kalaallit Nunaanni Timersoqatigiit Kattuffiata aallartitat ataatsimeersuarneranni pingasunik taasisinnaatitaavoq.

*Imm. 4.* Siulittaasoq piffissami qinigaaffimmi iluani siulersuisuiniit tunuassagaluarpas, sinniisussaniit ataaseq siulersuisunut ilannguttussaq siulersuisunit toqqarneqassaaq. Sinniisutut issimalersup siulittaasuusimasup qinigaaffiata sinnerani issimassaaq. Siulersuisut iluminni nutaamik siulittaasussamik qinersissapput, taannalu siulittaasuusimasup qinigaaffiata sinnerani issimassaaq.

*Imm. 5.* Siulersuisunut ilaasortaq qinigaaffimmi iluani tunuassagaluarpas, issimaffigisimasaanut sinniisussatut qinigaasimasut ilaat siulersuisut toqqassavaat. Sinniisutut issimalersup ilaasortap qinigaaffiata sinnerani issimassaaq.

*Imm. 6.* Siulittaasoq pisinnaajunnaarpat siulittaasutut inissisimaffik siulittaasup tulliaata ingerlatilissavaa. Siulersuinut ilaasortaq sapaatip akunnerini marlunni sivisunerusuni pisinnaanngippat siulersuisut sinniisussatut qinigaasimasut ilaat aggersarsinnaavaat.

*Imm. 7.* Siulersuisut ataatsimiinnissamat siulittaasoq imaluunniit taamak pisinnaatitaasoq aggersaasinnaavoq aammalu siulersuisuni ilaasortat ikinnerpaamik marluk piumasarippassuk aggersaasoqassalluni.

a) Siulersuisuni ilaasortat ikinnerpaamik sisamat peqataappata siulersuisut aalajangiisinnaassuseqalissapput. Siulersuisut amerlaqatigiinnik taasisimappata siulittaasup taasina aalajangiisuusaaq.

*Imm. 8.* Kattuffiup ingerlanneqarneranut pingaarutilinnik ataatsimiisitalianik siulersuisut pilersitsillutillu ilaasortassanik toqqaasassapput. Ataatsimiisitaliat ilaasortaasa ilaat siulittaasutut siulersuisut toqqassavaat. Kattuffiup aaqqissuunneqarnera bilag A'tut ilanngunneqarpoq. Minnerpaamik ataatsimiisitaliat uku pilersinneqassapput:

1. Aningaasaqarnermut aammalu ulluinnarni aqutsinermut ataatsimiisitaliaq  
bilag 1 ingerlatsinermut aalajangersakkanik nassuiaavoq
2. Siammasissumut ataatsimiisitaliaq  
bilag 2 ingerlatsinermut aalajangersakkanik nassuiaavoq
3. Elitemut aammalu piukkunnaatilinnut ataatsimiisitaliaq  
bilag 3 ingerlatsinermut aalajangersakkanik nassuiaavoq
4. Ilinniartitaanermut aammalu siuarsaanermut ataatsimiisitaliaq

- bilag 4 ingerlatsinermut aalajangersakkanik nassuiaavoq
5. Allaffissornermut aammalu aaqqissuisoqarfimmuq ataatsimiisitaliaq  
bilag 5 ingerlatsinermut aalajangersakkanik nassuiaavoq
6. Internationalimik attaveqarnermut ataatsimiisitaliaq  
bilag 6 ingerlatsinermut aalajangersakkanik nassuiaavoq
7. Sponsoreqarnermut ataatsimiititaliaq bilag 7 ingerlatsinermut aalajagersakkanik nassuiaavoq
8. Dommereqarnermut ataatsimiititaliaq bilag 8 ingerlatsinermut aalajagersakkanik nassuiaavoq

Siulersuisut namminneerlutik ingerlatseriaasissartik aaqqissuutissavaat. Siulersuisut anguniagassanut pilersaarusiussapput aammalu anguniakkanut nassuiaasiussallutik.

## § 15

*Imm. 1.* Siulittaasoq kattuffimmuq atsiortartuuvuq. Siulersuisut ulluinnarni aqutsisussatut pilersitaat ulluinnarni kattuffimmi ingerlatsinermik suliaqassapput aammalu kattuffiup ingerlanneqarneranut aallartitanit aalajangiunneqartut tamaasa akisussaaffigissallugit.

*Imm. 2.* Ataatsimiinnerit tamaasa ataatsimiisitaliaq pilersinneqarsimasut pillugit apeqqutit pillugit siulersuisut paasitinneqartassapput, tak. § 14, imm. 8, litra 1-6. Kattuffiup nutaaliaasumik aammalu siunissamut isigisumik ingerlatsineq siulersuisut suliarissavaat, aammalu § 2-mi taaneqartutut kattuffiup sulinissaanut pingaarnertut qulequtassanik aaqqissuussissallutik.

*Imm. 3.* Ajugaaniutivinnerit, nunanut allanut unamminerit kiisalu nittarsaassinerit aammalu paasissutissiinerit siulersuisut akisussaaffigissavaat.

*Imm. 4.* Piffissami naatsorsuutit atuuffissaanut tulliuuttumut pisussatut pilersaarutitut siunnersuutit aammalu missingersuutit siulersuisut suliarissavaat kiisalu killiffiortassallugit. Kattuffiup allaffissorneq aammalu ulluinnarni ingerlatsinermi aqutsineq akisussaaffigissavai.

*Imm. 5.* Ataatsimiisitaliaq TAAK'p siunertatut malittarisassiai aammalu najoqqutassarineqartut naapertorlugit sulinissaannut siulersuisut akisussaasuupput. Ataatsimiisitaliaq namminneerlutik ingerlatseriaasissatik aaqqissuutissavaat, taamaattorli anguniakkatut pilersaarummut tulluarsarsimassaaq. Ataatsimiisitaliaq akisussaassuseqartumik siulersuisunik sullississapput, siulersuisullu apeqqutitut tamanut qullerpaamik oqartussaasuupput.

## Nunanut allanut unammisartut aqunneqarnerat

## § 16

*Imm. 1.* Kattuffiup aallartitatut suleqatigiissitaasa Elitemut aammalu piukkunnaatilinnut ataatsimiisitaliaamiit innersuussineq malillugu arnanut aammalu angutitut nunanut allanut unammisartut sungiusaasuunik toqqaasassapput. Tamatuma ataani piukkunnaatilinnut aqutsisussamik, nuna tamakkerlugu piukkunnaatilinnik siuarsaanermi qulliunerpaatut

oqartussaasumik, atorfinitsitsissapput. Piukkunnaatilinnut aqutsisup suliassani pineqartumut pilersaarut akuersissutaasimasooq malillugu ingerlatissavai.

*Imm. 2.* Nunanut allanut sungiusaasut aammalu piukkunnaatilinnut aqutsisup sulisorisassatik ilaatigut aallartitat aqutsisussaannik atorfinitsissavaat. Tamanna pisinnagu Elitemut aammalu piukkunnaatilinnut ataatsimiisitaliap innersuussutaa siulersuisut akuersissutigeqqaassavaat. Sungiusaasut piukkunnaatilinnullu aqutsisooq peqatigalugit isumaqatigiissutit pilersinneqassapput, taakkunanilu atugassarititaasut, suliassat aammalu oqartussaaffissa ersarissumik allassimassapput.

a) Holdlederit tamarmik aammalu aallartitat allat nunanut allanut unammisartut A-t atugaat assigalugit ingerlassapput.

*Imm. 3.* Sungiusaasut atorfinitsinneqartut holdlederertik suleqatigalugu akisussaassuseqartumik siulersuisunik kiisalu aallartitatut aqutsisumut akisussaasutut toqqarneqarsimasumik sullississapput.

## **Amatør- og Ordensudvalgi**

### **§ 17**

*Imm. 1.* Amatør- og Ordensudvalgi pingasunik ilaasortaqaassaaq ataatsimillu sinniisussaqaassalluni, tamarmik aallartitanit toqqarneqarsimassallutik. Taakkua aallartitanut aammalu siulersuisunut ilaasortaassanngillat.

a) Siulittaasooq, ilaasortat marluk aammalu sinniisussaqaq immikkut ukiukkuutaartumik toqqarneqartassapput.

b) Ilaasortat pisinnaajunnaarpat, imaluunniit suliani pineqartuni qanippallaarpat, sinniisussaqaq ataatsimiisitaliamut isissaaq.

*Imm. 2.* Amatør- og Ordensudvalgip suliata tamaasa, inatsisini §§ 7 aammalu 8 kiisalu peqataanissamut aammalu ingerlatsinissamut aalajangersakkani § 12 naapertorlugit ataatsimiisitaliamut imaluunniit peqatigiiffiit aammalu/imaluunniit inuit Timersoqatigiiffiit Assammik Arsartartut Kattuffiata ataaniittut akornanni kiisalu Timersoqatigiiffiit Assammik Arsartartut Kattuffiata aammalu peqatigiiffiup imaluunniit inuit taaneqartut akornanni akerleriissutinut tunngasut, aalajangiiffigisassavai.

a) Ataatsimiisitaliap ilaasortai marluk najuukkaangata aalajangiisinnaassuseqalissaaq. Taasinerit naligiippata siulittaasup taasineri aalajangiisuussaaq.

*Imm. 3.* Ataatsimiisitaliap aalajangiinera suliameq peqataasunut nalunaarutigineqarneraniit ullut pingasut iluanni Kalaallit Nunaanni Timersoqatigiit Kattuffiata Amatør- og Ordensudvalgianut suliareqqitassanngortinneqarsinnaavoq, taannalu pineqartumut nalunaarutigineqassaaq ilanngullugulu aalajangiineq nalunaarutigineqassalluni. Suliareqqitassanngortitsinissamik kissaat allaganngorlugu TAAK'p siulersuisuinut nassiunneqassaaq. Suliareqqitassanngortitsineq aallartinneqartoq atuutilerneranik kinguneqarneq ajorpoq.

a) Aalajangiineq suliameq peqataasunit imaluunniit kattuffimmiit suliareqqitassanngortinneqarsinnaavoq. Kattuffiup suliameq Kalaallit Nunaanni Timersoqatigiit

Kattuffiata Amatør- og Ordensudvalgianut ingerlateqqissinnaavaa, suliaq TAAK'p Amatør- og Ordensudvalgiata aalajangiiffigisinnaangippagu.

b) Suliaq siulersuisunut saqqummiunneqarsimatinnagu TAAK'p Amatør- og Ordensudvalgianut tunniunneqarsinnaangilaq.

*Imm. 4.* Suliat ataatsimiisitaliamut tunniukkusutat allaganngorlugit peqatigiiffik aammalu Timersoqatigiiffiit Assammik Arsartartut Kattuffiat aqutugalugit saqqummiunneqassapput. Ataatsimiisitaliap aalajangiinera Timersoqatigiiffiit Assammik Arsartartut Kattuffiat aammalu peqatigiiffik aqutugalugit nalunaarutigineqassaaq.

a) Ataatsimiisitaliami siulittaasoq ataatsimiinnissamut qaaqquisassaaq, aammalu suliat tamarnik ajunnginnerpaamik aammalu TAAK'p inatsisai malerugassiaalu atuuttusut malillugit suliarineqarnissaat akisussaaffigalugu.

b) Suliaq suugaluartorluunniit peqataasut tamaasa uppersaatini pingaarutilinnik imaluunniit nammineq saqqummiisinnagu ataatsimiisitaliamiit aalajangiiffigineqarsinnaangilaq. Pineqartoq nammineq ornigutissatillugu piffissaq sumiiffissarlu ataatsimiisitaliami siulittaasup aalajangissavai. Nammineq orniguttoqassatillugu aningaasartuutaasinnaasut kattuffiup ataatsimiisitaliallu susassarinnigilaat.

*Imm. 5.* Kalaallit Nunaanni Timersoqatigiit Kattuffiata Amatør- og Ordensudvalgia § 17'imut tunngatillugu suliareqqitassanngortitsinermi inaarutaallunilu kingullerpaavoq.

## **Naatsorsuutit aammalu kukkuneruineq**

### **§ 18**

*Imm. 1.* Naatsorsuutitut ukiorititap ukiup qaammatai malippai. 1. marts nallertinnagu siulersuisut naatsorsuutit atuagartaqarpata bilagitaqarpatalu kukkuneruineq aammalu kingusinnerpaamik 1. april naammassereersimassaaq, kinguninngualu kukkuneruineq oqaaseqaatai ilanngullugit naatsorsuutit siulersuisunut saqqummiunneqassapput. Kukkuneruineq qaqugukkulluunniit kattuffiup atuagaataanik, bilagiinik aammalu pisuussutaanik misissuisinnaatitaapput.

*Imm. 2.* Kukkuneruineq kukkuneruillutik suliffeqarfimmit aallartitat aalajangigaannit ingerlanneqartassaaq. Qinersineq ukiumik ataasikkaartumik ingerlasarpoq.

a) Kukkuneruineq toqqagaassagaanni piunnaasaqaaq pineqartup TAAK'p aqutsinerata iluani taamaallaat ingerlatsinissaa.

*Imm. 3* Timersoqatigiiffiit Assammik Arsartartut Kattuffiat ullut 14-niit qaangiutsinnagit ataatsimeersuareernerup kingorna naatsorsuutit kukkuneruineq ukiumi kingullermeersut nassitissavaat Kalaallit Nunaanni Timersoqatigiit Kattuffiannut (GIF) aammalu Akileraanikkut Aqutsisoqarfimmut. Naatsorsuutit imaqaassapput aningaasat sumut atorneqarsimanersut aammalu aningaasanik tapiissutit allat pillugit nalunaarusiorlutik.

## **TAAK'p nersornaasiisarnera**

### **§ 19**

*Imm. 1.* Timersoqatigiiffiit Assammik Arsartartut Kattuffiat nesorinnittarnermut maleruagassat immikkut ittut naapertorlugit ataqinnaammik ilaasortanngortitsisinnaavoq, taamaalillunilu uuttuutit immikkut ittut naapertorlugit ilisarnaammik guultiusumik, sølviusumik imaluunniit bronzeusumik tunissuteqarsinnaalluni.

## **Kattuffiup atorunnaarsinneqarnera**

### **§ 20**

*Imm. 1.* Timersoqatigiiffiit Assammik Arsartartut Kattuffiata atorunnaarsinneqarnissaanut aalajangiineq pisinnaavoq taamaallaat aallartitat ataatsimiinneranni, tassani ilaasortat ikinnerpaamik 4/5-it najuuppata aammalu aallartitatut najuuttut 4/5-ii siunnersuutigineqartumut taasippata.

*Imm. 2.* Timersoqatigiiffiit Assammik Arsartartut Kattuffiata atorunnaarsinneqarnera immikkut ittumik aallartitat ataatsimiinneranni uppersarneqassaaq, tamannalu pissaaq aallartitat ataatsimiinneranniit, kattuffimmik atorunnaarsitsiniarluni aalajangiisoqarneraniit, sapaatip akunneri arfinilinnit kingusinnerunngitsumi. Immikkut ittumik ataatsimeersuaarneq inatsisit malillugit kalerriutigineqarsimasoq aalajangiisinnaassuseqarpoq, tak. § 12, imm. 1, aalajangersakkat amerlanerussuteqarnissaq pillugu imm. 1-imi taaneqartut apequtaatinngikkaluarlugit.

*Imm. 3.* Timersoqatigiiffiit Assammik Arsartartut Kattuffiat atorunnaarsinneqassagaluarpat kattuffiup pigisai Kalaallit Nunaanni Timersoqatigiit Kattuffiata tigussavai.

Kingullermik allannguutit, 31. marts 2019. / Poul Petersen